

Azra Hadžiahmetović

Pitanje postavljeno Kolegiju u vezi s realizacijom inicijative poslanika Stranke za BiH s 14. sjednice Predstavničkog doma, održane 14.11.2011.: „Dakle, 24. novembra 2011. godine, poslanici Stranke za BiH uputili su u parlamentarnu proceduru inicijativu da se u dnevni red jedne od sjednica Parlamenta uvrsti ekonomska problematika, čak smo stavili i naznaku hitno. Čak smo tražili da se na raspravu pozovu i predstavnici nadležnih međunarodnih institucija prisutnih u BiH. Naravno, učesnici svih onih nivoa vlasti koji su relevantni za raspravu takve vrste itd. Dakle, 24. novembra inicijativu smo uputili u parlamentarnu proceduru. Inicijativa je 29. novembra došla do Kolegija Predstavničkog doma, koji je 9. decembra prošle godine uputio Zajedničkoj komisiji za ekonomske reforme i razvoj, nakon jednoglasne podrške Predstavničkog doma. Zajednička komisija za ekonomske reforme i razvoj dala je i mišljenje 12. januara ove godine, dakle, skoro prije godinu dana. Da napomenem, nije bilo glasova protiv kada je zaključeno da Kolegij traži od Vijeća ministara BiH da sačini adekvatan materijal. Dakle, mi smo, svjesni činjenice pogoršanja ekonomske situacije u BiH, u više navrata u toku ove godine urgirali. Evo, već je godinu dana prošlo od podnošenja te inicijative, i više od godinu dana, i možda je prilika da postavimo pitanje.”

Pitanja postavljena Vijeću ministara BiH:

1. „Da li ste, povodom inicijative poslanika Stranke za BiH, koja je dobila podršku u parlamentarnoj proceduri, dobili zahtjev Kolegija PDPSBiH da, u funkciji rasprave o ekonomskoj situaciji, osigurate adekvatan materijal za raspravu koji bi bio sačinjen na osnovu vlastitih te materijala MMF-a i Svjetske banke?
2. Ako jeste, da li je i u kojoj fazi, godinu dana poslije, priprema materijala za raspravu?
3. Šta je problem u pripremi materijala, zbog čega PDPSBiH čeka godinu dana?“